

## Piscis qui Notius appellatur.

**H**ic uidetur ore aquam excipere à signo aquario, qui laboratē quondam Istim seruasse existimat, pro quo beneficio simulacrum piscis & eius filiorū, de quibus ante diximus inter infra constituit. Itaq; Syri complures pisces non esitant & eotū simulachra aurata pro diis penatibus colunt. De hoc Hegesias scribit.

De quinq; stellis.

**R**Eliquum est nobis de stellis quinq; quas complures ut erraticas, ita planetas græci uagos dixerunt. Quatum una est Iouis nomine Phæton, quē Heraclides Ponticus ait, quo tempore Prometheus homines finxerit, hunc pulchritudine corporis reliquis præstantem fecisse, cunq; suppressimere cogitaret, ut certum redderet cupidinem Ioui nunciasse, quo facto missum Mercurium ad Phætona, persuasisse ut ad Iouem ueniret, & immortalis fieret. Itaq; eum inter astra collocatum. Secunda stella dicitur Solis quam alii Saturni dixerunt. Hanc Eratosthenes à Solis filio Phaëtonem appellatam dicit, de quo plures scripserunt ut patris inscienter curru uetus incéderit terras, quo facto ab Ioue fulmine percussus, in Eridanum deiectus, à Sole inter sidera sit perlatus. Tertia est stella Martis quam alii Herculis dixerunt, Veneris sequens stellam, hac ut Eratosthenes ait, de causa, quod Vulcanus cum uxori Veneré duxisset & propter eius obseruantia Marti eius copia non fieret, ut nihil aliud assequi uideretur, nisi suā stellam, Veneris sidus persequi, à Venere impetravit. Itaq; cum uehementer eum amore incenderet, id significans, è facto stellam Pyroēnta appellauit. Quarta stella est Veneris Lucifer nomine, quam nonnulli Iunonis esse dixerunt. Hunc eundem Hesperum appellari multis traditum est historiis. Hic autem omnium siderum maximus esse uidetur. Nōnulli autem hunc Aurora & Cephalī filium esse dixerunt pulchritudine multis præstantē, ex qua re etiam cum Venere dicitur certasse, ut etiam Eratosthenes dicit, eum hac de causa Veneris appellari, ex oriente sole & occidente uideri, quare ut ante diximus iure hunc & Luciferum, & Hesperum nominatū. Quinta stella est Mercurii nomine Stilbon, sed hæc est breuis & clara. Hæc autem Mercurio data existimat, quod primus menses instituerit & præuiderit siderum cursus. Euheremus autē primam ait Venerem astra constituisse & Mercurio demonstrasse.

## Circulus Lacteus.

**P**atera ostenditur circulus quidā in sideribus candido colore, quē Lacteū esse nōnuli dixerunt. Eratosthenes autē Mercurio dicit infanti puerō in sciam Iunonē dedisse lac, sed postquā rescierit eū Maiæ filium esse reieciisse eum à se. Ita lactis profusi splendorem inter sidera apparet. Alii dixerūt dormiēti Iunoni Hercule suppositū & experrectā ei quod supra diximus fecisse. Alii autē Herculem propter nimiam auditatē, multitudinem lactis appetisse, neq; in ore continere potuisse, quod ex ore eius profusum circulum signasse. Alii dicunt quo tempore Ops Saturno lapidem pro partu attuli iussisse ei lac præbere, quē cum pressisset māmam profuso lacte circulum deformatum, quem supra demonstrauimus. Nos autem omnium corporum deformationem dicere instituemus.

Clariss.

